



1 DE MAYU:

AGORA MÁS QUE NUNCA, ARGUYU DE CLASE TRABAYADORA

Esti Primeru Mayu va ser, ensin dulda, una xornada de reivindicación atípica para la clas trabajadora. Nel contestu d'una crisis global por cuenta la pandemia'l COVID-19, les trabayadores enfrenámonos anguaño a una situación abegosa. Nun ye qu'enantes fuera bien, pero agora ponse a prueba la nuesa capacidá, non solo d'aguantar escontra l'adversidá, sinón de combatila, demostrando amás lo fundamental que ye la nuesa actividá sindical nesta sociedá.

Esta nueva crisis nun fixo sinón amosar quién ye la primera en vese perxudicada direutamente cuando se tuercen les coses: la clas trabajadora. N'especial, les trabayadores en situación de precariedá, temporalidá y d'estrema vulnerabilidá. Lo aparentemente contradictorio ye que son estes memes persones precisamente les que tán sacando p'alante la situación, por aciu la so imprescindible actividá. Nestos momentos, ye bien necesariu reconocer y valorar el llabor de les y los profesionales de la Sanidá, lluchando escontra'l virus dende la primer llinia, pero tamién hai que facer lo mesmo col trabayu de sectores davezu invisibilizaos, como'l tresporte, l'agroalimentación, la llimpieza, etc. Sectores que demostráronse esenciales, y ensin los cualos nin siquier la mesma actividá sanitario sería quien a desendolcar el so llabor.

Esti nuevu escenariu confirma otra vuelta la esistencia d'una estructura de clases sociales, que ye la que sostien al propiu sistema económicu, y constata -entá más- qu'ensin nós, ensin la clas trabajadora, esta sociedá nun sería capaz d'avanzar. Como siempre se reivindicó dende la CNT, la necesidá'l fortalecimientu y defensa de los servicios públicos ye una de les conclusiones que tenemos d'estrayer, cola mirada puesta nel futuru, yá que demostráronse vitales pa desanicar los efeutos d'esta pandemia y pa protexer a les persones más afectaes, que, como siempre, son les más humildes dientro de la clas trabajadora. Ye equí onde pueden apreciase les consecuencias xenocides que causaron les tesis neoliberales y la globalización, amosando una vegada más énte'l conxuntu de la sociedá que'l capitalismu ye en realidá un sistema que prima los beneficios económicos primero que les vides humanes y el mesmu planeta.

Xunto la desprotección absoluto na que s'atopó la clas trabajadora, tamién pudo comprobarse'l papel de los sindicatos -mal llamaos- mayoritarios. Les sos cúpules dirixentes aceptaron el conxuntu midíes llaborales y económicques aprobaes pol Gobiernu ensin la más mínima crítica, inclusive consensuando les propuestas cola mesma patronal. Una vegada más, la clas trabajadora viose traicionada pola so incapacidá, mentanto güeya abluca cómo acepten que cientos de miles de trabayadores

vuelvan a los sos puestos de trabayu consideraos non esenciales pa cayere ente los intereses de la patronal de les grandes industries y la construcción.

Les escasas midíes sociales y llaborales adoptaes por esti gobiernu supuestamente socialdemócrata implementáronse tarde y resultaron ser insuficientes dafechu. Dexóse que les empreses se desficieren de miles y miles de persones trabayadores con contratos temporales demientres les primeres selmanes; entá nun s'implementó denguna Renta Básica con garantía bastante; la desprotección absoluto de les persones migrantes; la situación de les que trabayen como falses autónomes, etc. Entá nun se conoz l'alcance que podría tener esta pandemia a escala mundial; sicasí, CNT siempre va tar enfrente quien pretenda utilizar dicha sida pa llindar los derechos fundamentales o llantar midíes injustificaes que supongan un recorte de les llibertaes más básiques algamaes pola clas trabayadora dempués de décadas de llucha social.

Anguaño la llucha tien de seguir nes cais y nos centros de trabayu, con más argumentos entá, porque espérase una sangrina ofensiva de les élites económiques y de la patronal a nivel internacional, que va intentar acometer por tolos medios una sangría despídos y recortes de los derechos básicos que tanto costare conquistar. Trátase d'una crisis global con una clase trabayadora que, seya la que seya la so procedencia, siempre ye la primera en carecer les consecuencias, magar que tamién ye'l cimientu sobre'l que funciona too gracies a la so fuercia trabayu y la so capacidá p'autoorganizase.

Vemos cómo les trabayadores tán siendo los elementos fundamentales que tán faciendo posible seguir alantre, arriesgando hasta la so propia vida p'apurir too lo necesario: sanidá, curiaos, hixene, alimentos, productos básicos, melecines, enseñanza ya información. Vimos cómo la solidaridá y l'apoyu mutuu dexaron de ser namái pallabres pa convertise en fechos que faen más afayadiza la vida en muchos barrios y pueblos de tol territoriu, texendo redes dende la base p'ayudar y conocer a les nuses vecines. Redes solidaries que, en dellos casos, consiguen pasar penriba la capacidá del propiu Estáu, vista la so incapacidá pa iguar la situación. Demostróse, otra vuelta, que namái'l pueblu ye capaz de salvar al pueblu.

Dende CNT, sentimos verdaderu arguyu de ser un sindicatu de clas, de seguir asesorando y ayudando a miles de persones enantes y mentanto la emerxencia del COVID-19, evitando los abusos empresariales y algamando victories que blinden los derechos de la clas trabayadora; arguyu de seguir trabayando pa conseguir un mundu más xustu ya igualitariu.

Tamos delante d'un Primeru Mayu distintu pero, anque nun podamos atopanos nes cais, agora más que nunca vamos seguir coles nuses reivindicaciones. Porque, agora más que nunca, ye necesario retomar el sentimientu pertenencia a la clas trabayadora, de presto polos llogros y capacidaes propies pa ser dafechu conscientes que la clas trabayadora, xunida y organizada, puédelo too.

**Agora más que nunca, arguyu de clas trabayadora.
Agora más que nunca #CuntaConCNT.**

CONFEDERACIÓ NACIONAL DEL TRABAYU - CNT - www.cnt.es